

Na osnovu stava (1) člana 3. Pravilnika o postupcima u provođenju Programa razvoja male privrede Hercegovačko-neretvanskog kantona 2016.-2020. godine („Službene novine HNK“, broj: 6/16) i stava (3) tačke I Odluke o usvajanju Programa utroška sredstava Ministarstva privrede sa pozicije „Subvencije privatnim poduzećima i poduzetnicima“, utvrđene Izmjenama i dopunama Budžeta Hercegovačko-neretvanskog kantona za 2020. godinu, sa kriterijima raspodjele, broj: 01-1-02-1737/20, od 01.09.2020. godine, a u vezi Zakona o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbe o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), Ministarstvo privrede Hercegovačko-neretvanskog kantona objavljuje

JAVNI POZIV
za odabir korisnika sredstava Ministarstva privrede sa pozicije
„Subvencije privatnim poduzećima i poduzetnicima“
utvrđene Izmjenama i dopunama Budžeta HNK za 2020. godinu
sa kriterijima raspodjele

I PREDMET JAVNOG POZIVA

Predmet Javnog poziva je prikupljanje prijava - projektnih prijedloga za dodjelu bespovratnih sredstava Ministarstva privrede Hercegovačko-neretvanskog kantona (u daljem tekstu: *Ministarstvo*), sa pozicije - „Subvencije privatnim poduzećima i poduzetnicima“, utvrđene u razdjelu 36, potrošačka jedinica 0003, ekonomski kod - 614500 Budžeta Hercegovačko-neretvanskog kantona za 2020. godinu („Službene novine HNK“, broj: 10/19 i 4/20).

Prikupljanje prijava za dodjelu bespovratnih sredstava vršit će se na osnovu *Odluke o usvajanju Programa utroška sredstava Ministarstva privrede sa pozicije „Subvencije privatnim poduzećima i poduzetnicima“, utvrđene Izmjenama i dopunama Budžeta HNK za 2020. godinu, sa kriterijima raspodjele*, broj: 01-1-02-1737/20, koju je Vlada HNK usvojila na 126. sjednici, održanoj dana, 01.09.2020. godine (u daljem tekstu: *Odluka o usvajanju Programa utroška sredstava Ministarstva*).

II MJERE, CILJEVI MJERA, KORISNICI SREDSTAVA, NAMJENA, USLOVI ZA APLICIRANJE, KRITERIJI RASPODJELE

Odlukom o usvajanju Programa utroška sredstava Ministarstva, iz tačke I ovog Javnog poziva, utvrđene su mjere (LOT-ovi), ciljevi mjera, korisnici sredstava, namjena, uslovi koje moraju zadovoljiti podnosioci zahtjeva za bespovratna sredstva (aplikanti), kriteriji raspodjele, te iznosi sredstava koja će biti dodijeljena odabranim korisnicima, prema utvrđenim kriterijima.

Mjere su razvrstane u tri (3) LOT- a i to:

LOT 1. - SUFINANSIRANJE PODUZETNIKA POČETNIKA 100.000,00 KM

Ciljevi: povećanje broja subjekata male privrede na području HNK i kreiranje novih radnih mjesta.

Korisnici sredstava: subjekti male privrede (**fizička i pravna lica**), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13 i 1/16).

Izvor: Budžet HNK.

Iznos poticajnih sredstava: 100.000,00 KM.

Način korištenja poticajnih sredstava (namjena):

- troškovi prve registracije subjekta male privrede;
- nabavka opreme, računarske opreme, softverskih rješenja i materijala za rad;
- troškovi za pravne, savjetodavne i administrativne usluge;
- troškovi obuke i stručnog osposobljavanja zaposlenika;
- novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, troškovi noćenja);

Uslovi:

1. Pravo prijave za poticajna sredstva Ministarstva imaju subjekti male privrede:

- a) **fizička lica**, koja se bave obrtima, registrovana nakon 01.01.2019. godine;
- b) **pravna lica**, registrovana nakon 01.01.2019. godine, koja se bave sljedećim djelatnostima (razvrstanim prema KD BiH 2010.):
 - vađenjem rude i kamena (B),
 - prerađivačkom industrijom (C), (**osim** proizvodnjom duhanskih proizvoda - C12, proizvodnjom hemikalija i hemijskih proizvoda - C20, proizvodnjom osnovnih farmaceutskih proizvoda i farmaceutskih preparata - C21 i proizvodnjom oružja i municije - C25.4),
 - informacijama i komunikacijama (J), **i to** računarskim programiranjem, savjetovanjem i djelatnostima u vezi s njima - J62.
- c) koji pozitivno posluju od datuma osnivanja;
- d) subjekti pod a) i b) koji imaju najmanje jednog (1) zaposlenog;

2. Subjekti male privrede, koji su bili korisnici poticajnih sredstava Ministarstva iz LOT-a 1 - „Sufinansiranje poduzetnika početnika“, u 2019. godini, nemaju pravo ponovne prijave za ovu mjeru u 2020. godini.

Kriteriji za odabir korisnika: broj zaposlenih; pripadnost **vlasnika** (većinskog vlasnika u pravnom licu, odnosno, vlasnika obrta) ciljnoj skupini (žene / mlade osobe do 35 godina starosti / osobe sa invaliditetom); ravnomjerna teritorijalna zastupljenost; stepen sufinansiranja; novo zapošljavanje.

Sredstva se dodjeljuju korisnicima:

- **fizičkom licu (obrtu)** - maksimalno **do 5.000,00 KM**, s tim da se za troškove registracije dodjeljuje fiksni iznos od 500,00 KM, pod uslovom da za istu namjenu nije dodijeljen poticaj od drugog nivoa vlasti, u periodu 2019. - 2020. godina, a
- **pravnom licu** - maksimalno **do 10.000,00 KM**, s tim da se za troškove registracije dodjeljuje fiksni iznos od 1.500,00 KM, pod uslovom da za istu namjenu nije dodijeljen poticaj od drugog nivoa vlasti, u periodu 2019. - 2020. godina.

LOT 2. – TEHNOLOŠKI RAZVOJ

720.000,00 KM

Ciljevi: povećanje i modernizacija proizvodnih kapaciteta, kroz ulaganja u razvoj i nabavku novih tehnologija koje dovode do kreiranja novog, ili usavršavanja postojećeg proizvoda, usavršavanja efikasnosti proizvodnje i stvaranja proizvoda sa većom dodanom vrijednosti.

Korisnici sredstava: subjekti male privrede (**isključivo pravna lica**), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13 i 1/16).

Izvor: Budžet HNK.

Iznos poticajnih sredstava: 720.000,00 KM.

Način korištenja poticajnih sredstava (namjena):

- modernizacija proizvodnih kapaciteta i adaptacija prostora za rad;
- uvođenje sistema upravljanja kvalitetom, normi i znakova kvalitete;
- nabavka opreme, računarske opreme, softverskih rješenja i materijala za rad;
- troškovi obuke i stručnog osposobljavanja zaposlenika;
- novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, troškovi noćenja).

Uslovi:

Pravo prijave za poticajna sredstva Ministarstva imaju subjekti male privrede - **pravna lica:**

a) koja se bave djelatnostima (razvrstanim prema KD BiH 2010.), i to:

- vađenjem rude i kamena (B),
- prerađivačkom industrijom (C), (**osim** proizvodnjom duhanskih proizvoda - C12, proizvodnjom hemikalija i hemijskih proizvoda - C20, proizvodnjom osnovnih farmaceutskih proizvoda i farmaceutskih preparata - C21 i proizvodnjom oružja i municije - C25.4),
- informacijama i komunikacijama (J), **i to** računarskim programiranjem, savjetovanjem i djelatnostima u vezi s njima - J62;

b) koji pozitivno posluju u posljednje dvije fiskalne godine (2018.-2019.);

c) koji neprekidno imaju najmanje 3 zaposlena, u periodu 2018.-2019. godine;

Kriteriji za odabir korisnika: broj zaposlenih; stepen sufinansiranja; ravnomjerna teritorijalna zastupljenost; broj godina prisustva na tržištu; novo zapošljavanje.

Sredstva se dodjeljuju korisnicima u rasponu od 5.000,00 KM do 40.000,00 KM.

LOT 3. - POTICAJ OBRTIMA, STARIM I TRADICIONALNIM

DJELATNOSTIMA

180.000,00 KM

Ciljevi: očuvanje zanatskih vještina i umijeća obavljanja djelatnosti sa pretežno ručnim radom.

Korisnici sredstava: subjekti male privrede (**isključivo fizička lica - obrti**) sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13 i 1/16).

Izvor: Budžet HNK.

Iznos poticajnih sredstava: 180.000,00 KM.

Način korištenja poticajnih sredstava (namjena):

- modernizacija i adaptacija prostora za rad;
- troškovi obuke i stručnog osposobljavanja zaposlenika;
- nabavka opreme, računarske opreme, softverskih rješenja i materijala za rad;
- promocija i sajamske aktivnosti;

- novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, troškovi noćenja).

Uslovi:

Pravo prijave za poticajna sredstva Ministarstva imaju subjekti male privrede - **fizička lica**, koja se bave obrtom i imaju najmanje jednog (1) zaposlenog;

Kriteriji za odabir korisnika: broj zaposlenih; pripadnost **vlasnika** obrta ciljnoj skupini (žene / mlade osobe do 35 godina starosti / osobe sa invaliditetom); ravnomjerna teritorijalna zastupljenost; stepen sufinansiranja; novo zapošljavanje.

Sredstva se dodjeljuju korisnicima u visini do maksimalno 5.000,00 KM.

III PRAVO UČESTVOVANJA U JAVNOM POZIVU

Pravo učestvovanja u ovom Javnom pozivu imaju samo subjekti male privrede - pravna lica i fizička lica (obrtnici), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*.

Prijavu za učestvovanje u ovom Javnom pozivu (zahtjev) mogu podnijeti samo oni aplikanti koji su eksplicitno navedeni kao korisnici sredstava za pojedinačne mjere, u tački II Javnog poziva.

Uz korisnike sredstava za određene mjere, iz tačke II, navedeni su i dodatni uslovi za učestvovanje u ovom Javnom pozivu, za pojedine kategorije, kao eliminatorni, prilikom razmatranja njihovih prijava. Pored njih, također će **automatski biti odbačeni** (odnosno, neće se uzimati u razmatranje):

- a) elektronski nepopunjeni i/ili nepotpuni zahtjevi;
- b) zahtjevi aplikanta koji nisu izvršili usklađivanje registrovanih djelatnosti sa Strukturuom klasifikacije djelatnosti BiH 2010. - KD BiH 2010. („Službeni glasnik BiH“, broj:47/10);
- c) zahtjevi aplikanta koji u prilogu nisu dostavili dokumentaciju, ovjerenu na način, propisan u tački IV ovog Javnog poziva (ispod naslova: **Važne napomene**);
- d) zahtjevi aplikanta koji su izvršili izmjenu šifre djelatnosti, **nakon objave Javnog poziva**;
- e) zahtjevi aplikanta koji nisu opravdali od Ministarstva dodijeljena finansijska sredstva poticaja, po ranije preuzetim ugovornim obavezama, **iz 2018. godine**;
- f) zahtjevi aplikanta - primaoca državne pomoći male vrijednosti - de minimis, kojima su dodijeljena bespovratna poticajna sredstva, iz budžeta bilo kojeg nivoa vlasti u BiH, u tri uzastopne fiskalne godine, u **iznosu preko 200.000 €**.

Sve kategorije aplikanta, koje apliciraju na Javni poziv, moraju biti u većinskom vlasništvu (minimalno 51%) državljanina BiH.

IV SADRŽAJ PRIJAVE ZA UČESTVOVANJE U JAVNOM POZIVU

Prijava na Javni poziv mora biti urađena **sadržajno i redosljedom**, prema elementima koji se zahtijevaju, ovisno o pojedinoj mjeri (LOT- u).

Da bi komisija, iz tačke V ovog Javnog poziva, uzela u razmatranje prijavu, aplikant (podnosioc zahtjeva) mora **kumulativno** ispunjavati sljedeće osnovne uslove:

a) Zahtjev za uključivanje u Program

Pod ovim se podrazumijeva uredno popunjen obrazac - *Zahtjev za uključivanje u Program* (u daljem tekstu: *Zahtjev*), u kojem mora biti sažetak projektnog prijedloga, te navedeni osnovni podaci koji se traže o aplikantu (naziv podnosioca zahtjeva, adresa sjedišta, općina / grad, kanton, zakonski zastupnik, kontakt osoba, pravni status, vlasništvo, vrsta i šifra djelatnosti, identifikacioni broj / broj poreznog obveznika, transakcijski broj / naziv banke), broj trenutno zaposlenih i broj osoba koje aplikant planira zaposliti, iznos bespovratnih sredstava koja se traže od Ministarstva, kao i iznos vlastitih sredstava koja će aplikant eventualno uložiti (**isključivo nakon objave Javnog poziva**), u realizaciju određene mjere, iz tačke II ove Odluke.

Zahtjev za uključivanje u Program mora biti ovjeren potpisom i pečatom od strane ovlaštene osobe aplikanta.

Obrazac Zahtjeva za uključivanje u Program preuzima se sa web stranice Ministarstva privrede HNK (www.privredahnk.gov.ba) i popunjava se isključivo elektronski.

b) Opći prilozi

Pod općim prilozi se podrazumijeva dokumentacija koja se zahtijeva od svakog aplikanta, bez obzira na kategoriju kojoj pripada, kojom se nesumnjivo dokazuje da je on kompetentan, pouzdan i da redovno ispunjava svoje zakonske obaveze, te da će poticajna sredstva upotrijebiti namjenski (u skladu sa tačkom II ovog Javnog poziva).

c) Posebni prilozi

Posebni prilozi se zahtijevaju od aplikanta, ovisno o uslovima, utvrđenim za svaku pojedinu mjeru iz tačke II ovog Javnog poziva.

Lista općih priloga koji se zahtijevaju:

- a) Obavještenje o razvrstavanju pravnog lica prema klasifikaciji djelatnosti, koje izdaje Federalni zavod za statistiku;
- b) Lista osiguranih lica za obveznika, koju izdaje Porezna uprava Federacije BiH;
- c) Prvo Rješenje o registraciji i Aktualni izvod iz sudskog registra za pravna lica/ Rješenje o registraciji, od nadležnog općinskog organa, za fizička lica (obrte);
- d) Uvjerenje o poreznoj registraciji;
- e) Uvjerenje o registraciji poreza na dodanu vrijednost - PDV (ukoliko je u sistemu PDV-a, u skladu sa Zakonom o porezu na dodanu vrijednost);
- f) Uvjerenje / potvrda o izmirenju direktnih poreza (doprinosa za PIO/MIO i doprinosa za zdravstveno osiguranje), koju izdaje Porezna uprava Federacije BiH;
- g) Uvjerenje / potvrda o redovnom izmirenju indirektnih poreza, koju izdaje Uprava za indirektno oporezivanje (ukoliko je u sistemu PDV-a, u skladu sa Zakonom o porezu na dodanu vrijednost);
- h) Uvjerenje od nadležnog suda da nije pokrenut stečaj / likvidacija privrednog subjekta, odnosno, uvjerenje od nadležne službe jedinice lokalne samouprave da fizičko lice (obrta) nije prestalo djelovati, ili da nije pokrenut postupak brisanja;
- i) Uvjerenje o državljanstvu za većinskog vlasnika/e u pravnom licu, odnosno uvjerenje za vlasnika/e većinskog udjela u društvu, ili većinskog paketa dionica / uvjerenje za vlasnika obrta;
- j) Potvrda banke o transakcijskom računu pravnog lica / obrta;
- k) Izjava (I-1), (obrazac koji se preuzima sa web stranice Ministarstva) o neosuđivanosti i nevođenju postupka, po osnovu privrednog kriminala fizičkog lica, odnosno

odgovornog lica, u pravnom licu, potpisana od strane aplikanta i ovjerena kod nadležnog organa uprave ili notara;

- l) Izjava (I-2), (obrazac koji se preuzima sa web stranice Ministarstva) o primljenoj državnoj pomoći male vrijednosti, od bilo kojeg nivoa vlasti u BiH (de minimis), koja je aplikantu dodijeljena u prethodne dvije fiskalne godine (2018.- ož i 2019.- ož), i u tekućoj fiskalnoj godini, u skladu sa Zakonom o sistemu državne pomoći u BiH („Službeni glasnik BiH“, broj: 10/12 i 39/20) i Uredbom o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), potpisana od strane aplikanta i ovjerena kod nadležnog organa uprave ili notara;
- m) Izjava (I-3), (obrazac koji se preuzima sa web stranice Ministarstva) o namjenskom utrošku sredstava poticaja, potpisana od strane aplikanta i ovjerena kod nadležnog organa uprave ili notara.

Ukoliko je subjekt male privrede (pravno ili fizičko lice) registrovan u vremenu kraćem od 3 (tri) mjeseca, prije dana objave Javnog poziva u „Službenim novinama HNK“, nije dužan dostaviti dokumentaciju kojom dokazuje uredno izmirenje obaveza (direktni porezi, MIO / PIO i zdravstveno osiguranje) - **(ovo se odnosi samo na LOT broj 1.)**.

Lista posebnih priloga koji se zahtijevaju:

1. Izvještaj o finansijskom poslovanju - bilansa uspjeha za 2019. godinu **(za LOT broj 1.)**, osim ako je subjekt registrovan nakon 01.01.2020. godine;
2. Potvrda o invalidnosti, izdato od nadležnog organa, za većinskog vlasnika u pravnom licu, odnosno za vlasnika/e većinskog udjela u društvu, ili većinskog paketa dionica / potvrda o invalidnosti za vlasnika obrta **(za LOT broj 1. i LOT broj 3.)**;
3. Izvještaj o finansijskom poslovanju - bilansa stanja i bilansa uspjeha za 2018. i 2019. godinu **(za LOT broj 2.)**.

Važne napomene:

Aplikant je obavezan navesti sve osnovne podatke u obrascu - *Zahtjev za uključivanje u Program*, i odgovara za istinitost svih svojih navoda, a uz zahtjev je dužan dostaviti, istovremeno, i sve opće i posebne priloge, koji se traže za pojedini LOT.

Popis potrebne dokumentacije, u zavisnosti od mjere (LOT-a) za koji se aplikant prijavljuje, može se preuzeti sa web stranice Ministarstva - (www.privredahnk.gov.ba), (tenderska dokumentacija za svaku mjeru / LOT pojedinačno).

Svi traženi dokumenti, koji se prilažu uz prijavu na Javni poziv, moraju biti **originali ili ovjerene kopije (od strane nadležnog organa uprave ili notara), ne starije od tri (3) mjeseca**, računajući od dana objave Javnog poziva u „Službenim novinama HNK“.

V KRITERIJI ZA OCJENU PRIJAVA I ODABIR KORISNIKA

Kriteriji za odabir korisnika i ocjenu prispjelih prijava, utvrđeni su posebno za svaku mjeru - LOT, u tački II ovog Javnog poziva.

Ministar privrede HNK (u daljem tekstu: *Ministar*) imenuje komisiju za odabir korisnika poticajnih sredstava (u daljem tekstu: *Komisija*).

Komisija vrši rangiranje prijava, koje udovoljavaju formalno-pravnim uslovima, u skladu sa kriterijima raspodjele, utvrđenim Odlukom o usvajanju Programa utroška sredstava Ministarstva i ovim Javnim pozivom, te odredbama *Pravilnika o postupcima u provođenju*

Programa razvoja male privrede HNK 2016.-2020. godine i sačinjava Izvještaj o radu Komisije, kojeg dostavlja Ministru, uz rang listu potencijalnih korisnika.

Ministar utvrđuje konačni prijedlog Odluke o odabiru korisnika poticajnih sredstava Ministarstva, koji se upućuje Vladi HNK na usvajanje.

Odluka o odabiru korisnika poticajnih sredstava Ministarstva, koju donese Vlada HNK, objavljuje se u „Službenim novinama HNK“ i na službenim web stranicama Vlade HNK i Ministarstva.

Aplikant kojem ne budu dodijeljena poticajna sredstva, ima pravo podnijeti žalbu Žalbenom vijeću HNK, putem Ministarstva, u roku od 7 dana, od dana objave Odluke o odabiru korisnika grant sredstava Ministarstva privrede HNK, s pozicije „Subvencije privatnim poduzećima i poduzetnicima“, u „Službenim novinama HNK“.

Ocjenjivanje prijave za mjere / LOT-ove, iz tačke II, koje udovoljavaju formalno-pravnim uslovima, koji se traže ovim Javnim pozivom, Komisija vrši na osnovu sljedećih kriterija i pripadajućih bodova za iste:

LOT 1. - SUFINANSIRANJE PODUZETNIKA POČETNIKA

1. Broj zaposlenih	25
2. Pripadnost vlasnika ciljnoj skupini	15
3. Ravnomjerna teritorijalna zastupljenost	20
4. Stepen sufinansiranja	15
5. Novo zapošljavanje	25
Ukupno bodova:	100

LOT 2. - TEHNOLOŠKI RAZVOJ

1. Broj zaposlenih	15
2. Stepen sufinansiranja	30
3. Ravnomjerna teritorijalna zastupljenost	20
4. Broj godina prisustva na tržištu	10
5. Novo zapošljavanje	25
Ukupno bodova:	100

LOT3. - POTICAJ OBRTIMA, STARIM I TRADICIONALNIM DJELATNOSTIMA

1. Broj zaposlenih	20
2. Pripadnost vlasnika ciljnoj skupini	15
3. Ravnomjerna teritorijalna zastupljenost	20
4. Stepen sufinansiranja	25
5. Novo zapošljavanje	20
Ukupno bodova:	100

U slučaju da se, uslijed ograničenosti sredstava, namijenjenih pojedinim mjerama - LOT-ovima, korisniku za njegov projekt dodijeli manji iznos od onog kojeg je naveo u Zahtjevu, ugovorom, kojeg će Ministarstvo zaključiti sa korisnikom, biće precizirano koji će dio korisnikovog projekta biti realizovan dodijeljenim sredstvima, odnosno, tačno će biti utvrđena njihova namjena (radi podnošenja valjanog izvještaja o utrošku sredstava).

U slučaju da Komisija prihvati više projektnih prijedloga istog aplikanta, biće mu dozvoljeno da se izjasni za koji će se od prihvaćenih projekata opredijeliti, obzirom da Ministarstvo može poticati samo jedan projekat istog aplikanta.

Ukoliko aplikant planira, pored poticajnih sredstava Ministarstva, uložiti i vlastita sredstva, za realizaciju projekta kojim aplicira na Javni poziv, ista će mu se priznati ako su utrošena **isključivo nakon objave ovog Javnog poziva** u „Službenim novinama HNK”.

VI NAČIN PODNOŠENJA PRIJAVE NA JAVNI POZIV

Prijava (Zahtjev) za dodjelu poticajnih sredstava podnosi se Ministarstvu, na aplikacijskom obrascu, koji se može preuzeti elektronskim putem, sa web stranice Ministarstva - www.privredahnk.gov.ba i popunjava se **isključivo elektronski**.

Prijava, sa potrebnim priložima, šalje se preporučenom poštom, u zapečaćenoj koverti, ili se dostavlja lično, na protokol Ministarstva, na adresu:

HERCEGOVAČKO-NERETVANSKI KANTON
MINISTARSTVO PRIVREDE
Husnije Repca bb, 88104 Mostar

sa naznakom:

„NE OTVARATI“

Prijava po Javnom pozivu za odabir korisnika bespovratnih sredstava Ministarstva privrede HNK, za LOT, broj: _____, _____
(upisati puni naziv LOT-a)

Na poledini koverta obavezno se navodi:

- naziv aplikanta (pravnog ili fizičkog lica/obrta)
- ime i prezime odgovornog lica,
- adresa i kontakt telefon aplikanta,
- ovjera pečatom aplikanta.

Rok za dostavu prijava je trideset (30) dana, računajući od dana objave ovog Javnog poziva u „Službenim novinama HNK“.

Prijave, zaprimljene nakon isteka roka, neće biti uzete u razmatranje. Prispjelu dokumentaciju Ministarstvo nije dužno vratiti aplikantima.

VII TROŠKOVI PRIJAVE

U postupku po ovom Javnom pozivu Ministarstvo ne snosi nikakve troškove aplikanta, te zadržava pravo da pojedini projektni prijedlog prihvati u cijelosti, djelimično, ili ga odbije, da poništi Javni poziv, ili, pak, odbaci sve projektne prijedloge, u bilo koje vrijeme, prije zaključenja ugovora o implementaciji poticajnih sredstava.

Ministarstvo ne snosi nikakvu odgovornost prema učesnicima Javnog poziva, u pogledu aktivnosti koje su poduzeli, radi apliciranja na određenu mjeru (LOT).

VIII ZAVRŠNE ODREDBE

Sa korisnicima koje utvrdi Vlada HNK, Odlukom o odabiru korisnika poticajnih sredstava Ministarstva, Ministarstvo zaključuje Ugovor o implementaciji poticajnih sredstava.


Ugovor se zaključuje na rok od 6 (šest) mjeseci i obavezno sadrži visinu, namjenu i rok implementacije sredstava, međusobna prava i obaveze ugovornih strana, način izvještavanja o utrošku sredstava, nadzor nad utroškom sredstava, obzirom na svrhu za koju su namijenjena, način raskida ugovora, te sankcije za slučaj nepoštivanja ugovora.

Rok za implementaciju poticajnih sredstava je najduže do 6 (šest) mjeseci, računajući od dana uplate novčanih sredstava na račun korisnika.

Sve dopunske informacije, vezane za ovaj Javni poziv, mogu se dobiti svakim radnim danom, putem telefona Ministarstva, broj 036/551-069, **u periodu od 12-14 sati.**

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO PRIVREDE

Broj: 07-03-24-56-76 /20
Mostar, 07. 09. 2020. godine



Ministar

Željko Laketić, s.r.